

『元亨釋書』20 資治表1 推古

三年。春。夏四月。得異材刻觀自在像。五月。高麗沙門**慧慈**來。秋。冬。百濟沙門慧聰來。

三年。春。南海之濱有浮查。夜放光。聲如雷。四月。着淡州南涯。大一圍。長八尺。沿海之民取爲薪。其煙遠薰。以獻于朝。太子奏曰。是沈水香木也。產南天竺南海之崖。其實雞舌。其花丁子。其脂薰陸。入水久者爲沈水。不久爲淺香。陛下興佛乘造佛像。天神感之漂送耳。帝悅。勅百濟工。刻觀音像。安吉野比蕪寺。時時放光。**慧慈**來。太子師之。